

Kirche des orts/ mit diesem Text gemeinet/ so zeucht
 vnd restringiret er sich doch insonderheit auff den
 Engel der gemeine zu Smyrna / das ist / auff den
 obersten Prediger aldar / auff den heiligen Poly-
 carpum. Drumb ich mir diesen Prediger Text heu-
 te auch habe lassen anbefolen sein/ Den bekandt ist/
 das Lehrer vnd Prediger / in der heiligen Schrift
 Gottes Engel vnd Botten genennet werden / wie
 auch Johannes der Teuffer beim Malachia. Nu
 hat aber der ware vnd ewige Sohn Gottes zwey-
 erley Kirchen/ ein Triumphirende/ vnd ein Strei-
 tende. Die Triumphirende Kirche ist im Himmel/
 an demselben ort der ausserswelten/ wo manche liebe
 Seele im Bündel der lebendigen behalten wird/wie
 die liebe Abigail redet/ wo man alle zähler von den
 fliessenden vnd nassen augen abwischet / wo freude
 die fülle / vnd ein liebliches wesen ist zur rechten
 Gottes ewiglich. Vnd ist dieselbe Kirche gesamlet
 von Engeln vñ Menschen/da eine grosse stimme ge-
 höret wird/vnd die Posaun des ewigen Triumphs:
 Nu ist das Heil vnd die Krafft/ vnd das Reich/
 vnd die Macht / vnser Gottes / seines Chris-
 tus worden/weil der verworffen ist/der sie verz-
 klaget tag vnd nacht vor Gott/vnd sie haben ihn
 vberwunden durch des Lambes blut/vnd durch
 das wort ihrer zeugnüß / vnd haben ihr leben
 nicht geliebet biß in den Tod. Drumb freuet euch
 ihr

Malach. 3.

1. Sam. 25.

Psal. 16.

Apoc. 12.